



26. januar 2018

Inatsisartut Suleriaasianni § 37 imm. 1 naapertorlugu Naalackersuisunut apequt imaattoq matumuuna saqqummiuppara.

Naalackersuisunut apequt:

- 1. Naalackersuisut aningaasaateqarfimmik aningaasaliisartumik pilersitsinissamik pilersaaruteqarpat?**
 - a. Taamaappat, aningaasaateqarfimmi taamaattumi suna siunertarineqassava?**
 - b. Taamaanngippat, Inatsisartut amerlanerussuteqarluartut aningaasaliisarnermut periarfissat annertusarneqarnissaannik kissaataat qanoq ililluni naammassineqassava?**
- 2. Naalackersuisut qallunaat naalackersuisuinik nunani allani aningaasalersuiffiqineqarnissamik periarfissanik qulaajaanissaq pillugu oqaloqatiginnippat, tassani issittumi aningaasaliisarnermi sakkussamut periarfissaq ilanngullugu?**
- 3. Inuussutissarsiornermi sukarsuaq sorleq nunanit allanit aningaasaliivigineqarnarnissamut pisariaqartitsinerpaava, Naalackersuisullu tassunga aningaasaliinissat pilerinarnerulersinniarlugit qanoq iliuuseqarpat?**
- 4. Aningaasaqarnerup imminut napatittup siuarsarnissaanut avataanit aningaasaliinissamik pilerilersitsinissaq pisariaqartoq Naalackersuisut isumaqarpat?**

(Inatsisartunut ilaasortaq Aaja Chemnitz Larsen, Inuit Ataqatigiit)

Tunngavilersuut:

2015-imi Inatsisartut upernaakkut ataatsimiinneranni immikkoortoq 45-p oqaluuserineqarnerani kalaallit-qallunaat aningaasaateqarfiannik aningaasaliisartumik pilersitsinissamik siunnersuut amerlanerussuteqarluartunit taperserpeqarpoq. Siunnersuut Justus Hansenip Demokraatinersup saqqummiuppara. Siunnersuutip suliarineqarnerani Partii Naleraq kisimi pinnani partiinit tamangajannit siunnersuut taperserpeqarpoq. Partiit arlallit, tassani Inuit Ataqatigiit ilanngullutik, oqallinnerup ingerlaavarnissaa Naalackersuisullu aallartitat aqutigalugit Qallunaat Nunaanni nunanilu allani aningaasaliisinnasunik periarfissat sulissutigissagaat kissaatigalugu oqaatigaat.

Sara Olsvigimut, Inuit Ataqatigiit, akisummi (2016-234) Naalackersuisut aningaasalersuinissami periarfissat arlallit, soorlu Vækstfonden, NIB, EIB, aningaasaateqarfimmik aningaasalersuinermik suliaqartumik sulissuteqannginnermut tunngavilersuutigineqarput. Akuusut allat, soorlu 21st North, tusagassiorfitsigut aatsitassarsiornermi suliniutini aningaasalersuinissamut periarfissat nutaat ujarpaat. Qallunaat 2017-18 Nunanut allanut Sillimaniarnermullu politikikkut periusissiaanni naalackersuisut nunanit allanit aningaasalersuisinnaanermut periarfissat

INUIT ATAQATIGIIT

Inatsisartuni



qulaajaavigneqarniarneqarput, soorlutaaq qallunaat naalakkersuisuisa issittumi aningaasalersuinermi sakkussamut periarfissaq qulaajaavigiumagaat.

Aningaasarsionnikkut imminut napatinnerusumik pilersitsinissaq politikikkut imminermini anguniagaavoq inuiaqatigiinni kalaallini pigissaarnermut atugarissaarnissamullu ilapittuisinnaasoq. Suliniutini minnerusuni annerusunilu aningaasaliinissanut pisariaqartitsisoqarpoq, tassani Kalaallit Nunaanni namminersorlutik inuussutissarsiortut periarfissaasa patajaallisarnissaat ilanngullugu. Inuussutissarsionnikkut sukarsuarni sisamani tamani aningaasaliinissamut pisariaqartitsisoqarpoq, tassani aalisarneq piniarnerlu, takornariartitsineq, aatsitassarsiorneq nunamilu inuussutissarsiutit ilanngullugit.

Aningaasaliinertigut iluanaaruteqarnissamik ilimasunneq ilaasarpoq. Aningaasaliinissamut piunasaqaatit naalagaaffiup qularnaveeqqusiineranik qulakkeerinninnikkut pitsanngortinneqarsinnaapput. Kalaallit Nunaani aningaasaliiviusinnaasut killeqartillugit avataanit aningaasaliisartut qanoq ililluni soqutiginninnerulersinnissaat takussallugu soqutiginarpoq.

Apeqqutima ullut suliffiusut qulit qaangiutsinnagit akineqarnissaat qinnutigaara.